


日本漢文學百家集

王焱 編

407



北京燕山出版社



王焱 主編

日本漢文學百家集
407



北京燕山出版社

第四〇七册

半水遺稿 上中下卷 拾遺 杉原半水著 天保六年……………一

樗山摘稿 一卷 香川樗山著 天保九年……………三四七

不求堂百絶 一卷 吉田鷺湖著 天保十四年……………四四五

節庵初集 十卷 武井節庵著 天保十四年……………五一五

半水遺稿

上

半水遺藁敘

杉原文哉。佻人馳書。眎其長君遺文四冊。且謂
余平昔與君交情頗密。以敘見委。將寘諸橫舍。
辭指惻惻。滿幅血淚。欲辭以不敏。則不忍也。乃
題其首曰。嗚呼。余乎。後君而死乎。且叙其遺文
乎。以材質則瓦甃之於璵璠也。以年輩則犬馬
徒長已逾肩。隨嗚呼。余乎。後君而死乎。且叙其
遺文乎。君稟異質。穎慧夙成。出於天也。文辭一
涂。尤屬薦好。杼軸由已。不襲前人牙慧。出於天
也。十數年以前。齡猶綺紈。以文哉之命。挾策造

予琅々誦讀夜分弗倦癸巳春試遂魁多士自
視歛然策厲益勤其好學亦出於天也至羸孱
善病弱齡早隕得獨云不出於天乎何天之奢
與其才而畱賦其命耶是人之有望于天也久
矣悶愁不平不輒以天道為推諉之地者尠矣
今余六將欲叩九闕而一問其故恨不能奮飛
也窘歲春聞君得病余憂已而聞其差進益憂
又聞其太劇妻孥皆言余之憂而可知也亡何
猝接凶問悼心失圖哀愕不已趨唁文々裁々
茹痛飲恨若不欲躬有其生者余將寬譬曲喻

以慰其心而氣結口噤不能數言而去爾後裘
葛一易面文哉于橫舍于道涂者數矣文哉言
談之次必提及君事余隣笛感觸不知涕之所
從雖思所以慰文哉者亦不可得也今也得其
遺文夜雨岑寂對燈瀏覽憬然懷焉愴然感焉
舊遊上心丰采可想哀從衷來莫之能遏殆乎
廢卷而中輟嗚呼余之慰藉文哉竟無日也君
嘗謬許余益友每造一篇文字枉求商評余故
放率狂踈往々縱喙無諱君則欣聽樂受絕不
見忤拂之色也登時余口語心曰若斯辯藻若

斯謙虛後來造詣成就寧渠可測乎爾時君齒
益壯余甫老々者喜夸將指君示人曰是吾故
人之子也是其少也嘗資啟發於吾也吾之為
榮不亦多也哉竊意茲言之驗蓋可執左契而
竢也曷虞於遽有是日之事試取遺文按而求
之其論難辨駁之迹斑々猶存而君之形魄神
魂已化冷煙飄風計度之縲人事之左至於此
也嗚呼余乎後君而死乎且敘其遺文乎
天保乙未孟夏拙脩松崎純儉書

半水遺藁卷之上

大觀樓記

政保紀實引

兩電記

井說

玄宗論

戲述

言語石記

入楨記跋

愛碧花說

論周勃

舟水說

槐嗽園記

秦檜論

月喻

會侗菴先生

石花畫譜跋

大學諸說參辨序

信天翁圖後記

送巖峻鄉遊魯州序

讀蘇不韋傳

大石良雄龍扇風雲四大字跋

節齋記

天狗說上

天狗說下

畫貓贊

春行雜記

生財有大道論

柳末策

半水遺藁卷之上

杉原燁文林

大觀樓記

余過駿臺。必放目一遐矚焉。蓋市閭萬甍。鱗比攢蹙。如風波之蕩漾。都下之大猶小也。眺觀良久。乃去。抑繇地勢之高也。友人山本子章移居於駿臺。嘗訪其廬。倒屣招致於小樓。予駭曰。有是哉。不止聲色臭味之相同。其所樂亦太相類也。乃雀躍蹇惟而望。不覺叫奇曰。大觀哉。松杉森列。蒼鬱蒼蔚。城堞粉檣。巍聳於蒼霄之端者。其為都城。漸左。南海。厓々如一盆水。帆艦之往來。點々如飛鷺。總峰房壑。離聳螺立。奇

觀極矣。又方望斜門。相隔數里。猶在咫尺間。往人來旅。如寸人豆馬。如蟻散螿動。遠矚放覽。如披一幅畫帖。評訂之間。寵辱頓忘。抑亦大觀哉。近頃子章懇請名號。乃以大觀命之。退而潛思之。私笑曰。奚予見之。卑且淺也。所謂大觀。豈果在遠靄暮空之間哉。苟徒蒼山浮水之是樂。觀亦小。奚取於大觀哉。蓋古今之大觀。奚過吾道。而舉天下之大觀。自吾道視之。猶浮雲之過太虛也。夫人之一心。極小也。智亦極不大矣。而至於極天下之衆理。達人物之情。無一家不得處。與四海同歸於善。則天地之大。河海之廣。未之喻也。

是三代以來。億萬載之大觀。亘古今而不朽。抑亦至大哉。惟然樓之大觀。則惟庸儔俗侶。或以辨之。獨至於道之大觀。則非深知道者。未可與論也。子章以正邦君為祖。以正道君為父。二君皆窮道之精微。深於濂洛之學。二君並皆既登蟾矣。子章亦深好學。如饑渴。加以礪磨之工。則所謂繼緒者。非望君。誰之求哉。然則語道之大觀者。亦非子章則不可也。意雨霽雲收。而月臨平樓。三君執手而登覽焉。極道之大觀。以樂此樓之大觀。其趣為如何哉。若其雪晨月夕之勝。登者或知之。未暇悉記也。

政保紀實引

予抱疾久矣。問之醫則笑而不答。謀諸衆人。衆僉破顏一笑曰。是此書生之一癖疾。非軒岐家所能辨也。予亦笑而悟。乃謂得病而諱藥。可乎哉。於是世間人事之感否。有感心者。輒援筆紀錄。標曰政保紀實。叔褒貶於毫端。藏義刺於尺幅。更充一服湯劑。以自醫耳。故予錄展覽之際。心陶然一喟。此我之陳皮茯苓。而彼卽我之石膏芒消也。瑣瑣卷中。牛溲馬渤。至敗鼓之皮。悉具矣。雖然治療之藥。種々極多。而世間可載錄之事。亦不少矣。唯風簾月案。隨得隨筆。以爲榮